



ქალაქ ფოთის მუნიციპალიტეტის საკრებულო



განკარგულება №13/42

2020 წლის 30 ივნისი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2020 წლის 10 ივნისის პეტიციის (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა №37-ში) შესახებ

ქალაქ ფოთის მუნიციპალიტეტის საკრებულოს 2020 წლის 10 ივნისს წარედგინა ელექტრონული პეტიცია ვებგვერდის <http://petition.lsg.ge/poti/> მეშვეობით.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119³-ე მუხლის მე-12, მე-13, მე-14 პუნქტების, 119⁹-ე მუხლის შესაბამისად, პეტიციის ტექსტის მოქმედ კანომდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შეესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2020 წლის 10 ივნისის ელექტრონული პეტიციით მოქალაქეები ითხოვენ: ატმოსფერული ჰაერის სრულად და უწყვეტი მონიტორინგისათვის, ავტომატური სადგურების დამონტაჟებას კორპორაცია ფოთის საზღვაო ნავსადგურისა და დიდი სამრეწველო ქარხნების ტერიტორიაზე (კორპორაცია ფოთის საზღვაო ნავსადგურის მიმდებარედ და ჭავჭავაძის ქუჩის ბოლოში).

პეტიციის ხელმოწერთა მოსაზრებით ქალაქ ფოთის მუნიციპალიტეტის მოსახლეობის ჯანმრთელობასა და სიცოცხლეს, უკვე თითქმის 20 წელია, ჰაერის დაბინძურებისა და ხმაურის შედეგად, გამოუსწორებელი ზიანი ადგება. ნავსადგურისა და დიდი სამრეწველო ქარხნების მიმდებარედ მცხოვრები მოსახლეობა მუდმივად უჩივის ჯანმრთელობის მდგომარეობის გაუარესებას, ბავშვებს შემოწმებისას აღმოაჩნდათ ტყვიის მაღალი კონცენტრაცია, აღენიშნებათ ალერგიული სახის გამონაყარები და სუნთქვის უკმარისობა და სხვა (დეტალურად იხილეთ ელექტრონული პეტიციის ვებგვერდის <http://petition.lsg.ge/poti/> მეშვეობით).

საქართველოს კონსტიტუციის 29-ე მუხლის პუნქტის შესაბამისად, ყველას აქვს უფლება ცხოვრობდეს ჯანმრთელობისთვის უვნებელ გარემოში, სარგებლობდეს ბუნებრივი გარემოთი და საჯარო სივრცით. ყველას აქვს უფლება დროულად მიიღოს სრული

ინფორმაცია გარემოს მდგომარეობის შესახებ. ყველას აქვს უფლება ზრუნავდეს გარემოს დაცვაზე. გარემოსდაცვით საკითხებთან დაკავშირებული გადაწყვეტილებების მიღებაში მონაწილეობის უფლება უზრუნველყოფილია კანონით.

„გარემოს დაცვის შესახებ“ საქართველოს კანონის მე-13 მუხლის „დ“ ქვეპუნქტის შესაბამისად, საქართველოს გარემოს დაცვისა და სოფლის მეურნეობის სამინისტროს კომიტეტის კანონით გარემოს დაბინძურების მონიტორინგის ორგანიზება.

„ატმოსფერული ჰაერის დაცვის შესახებ“ საქართველოს კანონის მე-20 მუხლის პირველი პუნქტის შესაბამისად, ატმოსფერული ჰაერის ფონურ მონიტორინგს მსოფლიო მეტეოროლოგიური ორგანიზაციის პროგრამების მოთხოვნათა ფარგლებში ახორციელებს საქართველოს გარემოს დაცვისა და სოფლის მეურნეობის სამინისტრო საჯარო სამართლის იურიდიული პირის – გარემოს ეროვნული სააგენტოს მეშვეობით.

„საჯარო სამართლის იურიდიული პირის – გარემოს ეროვნული სააგენტოს დებულების დამტკიცების თაობაზე“ საქართველოს გარემოს დაცვისა და სოფლის მეურნეობის მინისტრის 2018 წლის 19 აპრილის №2-255 ბრძანებით დამტკიცებული დებულების მე-2 მუხლის „ა“ ქვეპუნქტის შესაბამისად, სსიპ-გარემოს ეროვნული სააგენტოს მიზანი და მირითადი ამოცანაა საქართველოს ტერიტორიაზე მიმდინარე გარემოს (ატმოსფერული ჰაერის) ხარისხობრივი მდგომარეობის მონიტორინგის სისტემების შექმნა და მათი ფუნქციონირების უზრუნველყოფა.

საქართველოს ზოგადი ადმინისტრაციული კოდექსის 96-ე მუხლის პირველი და მე-2 ნაწილების შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯრების საფუძველზე. დაუშვებელია, ინდივიდუალური ადმინისტრაციულ-სამართლებრივი აქტის გამოცემას საფუძვლად დაედოს ისეთი გარემოება ან ფაქტი, რომელიც კანონით დადგენილი წესით არ არის გამოკვლეული ადმინისტრაციული ორგანოს მიერ.

ზემოხსენებულიდან გამომდინარე, 2020 წლის 10 ივნისის ელექტრონული პეტიციით გათვალისწინებულ საკითხთან დაკავშირებით ინფორმაცია გამოთხოვილი იქნება საქართველოს გარემოს დაცვისა და სოფლის მეურნეობის სამინისტროდან, სსიპ-სსიპ-გარემოს ეროვნული სააგენტოდან, ქალაქ ფოთის მუნიციპალიტეტის მერიიდან.

ქალაქ ფოთის მუნიციპალიტეტის მერიის 2020 წლის 23 ივნისის № 02/4248 წერილის შესაბამისად, მუნიციპალიტეტის მერია გამოთქვამს მზადყოფნას ქალაქ ფოთის მუნიციპალიტეტში ატმოსფერული ჰაერის სრულად და უწყვეტი მონიტორინგისათვის ავტომატური სადგურების დამონტაჟებასთან დაკავშირებით გაატაროს მოქმედი კანონმდებლობით გათვალისწინებული ღონისძიებები.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის პირველი პუნქტის „ა“ ქვეპუნქტის შესაბამისად, პეტიციის წარდგენის უფლება აქვთ მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს. ამავე, კოდექსის 86-ე მუხლის 24-ე პუნქტის შესაბამისად, მუნიციპალიტეტის საკრებულო უფლებამოსილია, ამ მუხლის ნორმების გათვალისწინებით, მუნიციპალიტეტის საკრებულოს დადგენილებით განსაზღვროს პეტიციის ელექტრონული ფორმით წარდგენის წესი.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119^ე-ე მუხლის შესაბამისად, მოქალაქეებს უფლება აქვთ პეტიცია წარმოადგინონ ელექტრონულად. წარმოდგენილი ელექტრონული პეტიცია აკმაყოფილებს საქართველოში მოქმედი კანონმდებლობის მოთხოვნებს.

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-4 პუნქტის შესაბამისად, მუნიციპალიტეტი უფლებამოსილია სახელმწიფო პოლიტიკის გამტარებელ ორგანოსთან კოორდინაციით განახორციელოს გარემოს დაცვის ღონისძიებები.

აღნიშნულიდან გამომდინარე:

მუხლი 1.

1. ქალაქ ფოთის მუნიციპალიტეტის საკრებულოში წარდგენილი 2020 წლის 10 ივლისის პეტიცია (მომხსენებელი: ელისო ჯანაშია, მცხოვრები: ქალაქ ფოთის მუნიციპალიტეტი, ბარათაშვილის ქუჩა N 37-ში) დაკმაყოფილდეს.
2. „გარემოს დაცვის შესახებ“ საქართველოს კანონის მე-13 მუხლის „დ“ ქვეპუნქტის, „ატმოსფერული ჰაერის დაცვის შესახებ“ საქართველოს კანონის მე-20 მუხლის პირველი პუნქტის, „საჯარო სამართლის იურიდიული პირის – გარემოს ეროვნული სააგენტოს დებულების დამტკიცების თაობაზე“ საქართველოს გარემოს დაცვისა და სოფლის მეურნეობის მინისტრის 2018 წლის 19 აპრილის №2-255 ბრძანებით დამტკიცებული დებულების მე-2 მუხლის „ა“ ქვეპუნქტის შესაბამისად, საქართველოს გარემოს დაცვისა და სოფლის მეურნეობის სამინისტროს, სიპ-გარემოს ეროვნული სააგენტოს ეთხოვოს ატმოსფერული ჰაერის სრულად და უწყვეტი მონიტორინგისათვის, ავტომატური სადგურების დამონტაჟება კორპორაცია ფოთის საზღვაო ნავსადგურისა და დიდი სამრეწველო ქარხნების ტერიტორიაზე (კორპორაცია ფოთის საზღვაო ნავსადგურის მიმდებარედ და ჭავჭავაძის ქუჩის ბოლოში). ავტომატური სადგურების მონტაჟი განხორციელდეს ზემოხსენებულ ორგანოებთან, პეტიციის წარმომადგენელთან ურთიერთკოორდინირებულად, ხოლო ავტომატური სადგურების კორპორაცია ფოთის საზღვაო ნავსადგურის, დიდი სამრეწველო ქარხნების ტერიტორიაზე განთავსების შემთხვევაში აღნიშნულ კომპანიებთან შეთანხმებით.
3. აღნიშნული განკარგულების პირველი მუხლის მე-2 პუნქტით გათვალისწინებული სამუშაოების, ღონისძიებების საქართველოს გარემოს დაცვისა და სოფლის მეურნეობის სამინისტროს, სიპ-გარემოს ეროვნული სააგენტოს მიერ განხორციელების შეუძლებლობის შემთხვევაში, ქალაქ ფოთის მუნიციპალიტეტის მერმა (გოჩა კურდღელია) წარმოადგინოს წინადადებები (მუნიციპალიტეტის ბიუჯეტში შესაბამისი სახსრების გათვალისწინების ან/და შესაბამისი გრანტის მიღების ან/და სახელმწიფო ბიუჯეტიდან დაფინანსების მიღების და სხვა) სახელმწიფო პოლიტიკის გამტარებელ ორგანოსთან კოორდინაციით, ქალაქ ფოთის მუნიციპალიტეტის ორგანოების მიერ განკარგულების პირველი მუხლის მე-2 პუნქტით გათვალისწინებული სამუშაოების, ღონისძიებების განხორციელების თაობაზე, საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-4 პუნქტის შესაბამისად.
4. ქალაქ ფოთის მუნიციპალიტეტის მერმა (გოჩა კურდღელია) აღნიშნულ განკარგულების შესრულებასთან დაკავშირებით მიმართოს საქართველოს გარემოს დაცვისა და სოფლის მეურნეობის სამინისტროს, სიპ-გარემოს ეროვნულ სააგენტოს, შესაბამის ორგანოებს და გაატაროს ქმედითი ღონისძიებები.
5. ქალაქ ფოთის მუნიციპალიტეტის მერმა (გოჩა კურდღელია) აღნიშნულ განკარგულების შესრულებასთან დაკავშირებით გამოყოს პასუხისმგებელი პირი/პირები და პერიოდულად საკრებულოს წარუდგინოს ინფორმაცია გატარებული ღონისძიებების შესახებ.
6. აღნიშნული განკარგულების შესრულების კონტროლი დაევალოს ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და

ინფრასტრუქტურის კომისიას, საკრებულოს ქონების მართვისა და ბუნებრივი რესურსების
საკითხების კომისიას.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის,
საქართველოს ადმინისტრაციული საპროცესო კოდექსის 22-ე მუხლის მე-3 ნაწილის,
საქართველოს ზოგადი ადმინისტრაციული კოდექსის 178-ე მუხლის შესაბამისად,
განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი
თვის ვადაში, ფოთის საქალაქო სასამართლოში (მისამართი: ქალაქ ფოთის
მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 30 ივლისიდან.

საკრებულოს თავმჯდომარე



ბეჭა ვაჟარაძე